

二
知
軒
詩
鈔

知軒詩鈔卷十

定遠方濬頤子箴

古今體詩一百一十首

癸亥正月
至四月

癸亥人日喜晴八疊雷字韻

轉移造化有黔雷
駘蕩春光嶺上來
天是蔚藍晴捲幔

花如赤玉暎浮杯

謂山茶

靈辰特遣銅鉦挂
淑景何勞羯

鼓催風味依然挑
菜慣兒童都當故鄉回

初八日夜夢中得句云碧落雲爲障
青山雨作窩

醒時不記全篇戲足成之

碧落雲爲障
青山雨作窩
濃陰連大漠
飛瀑下層坡
烟

霧迷漫重蛟龍變化多料應逢穀日豐稔兆秋禾

早春田家雜詠

新年無一事樂趣話茅檐場圃春風滿陂塘臘雪添
租先完隔歲澤已被窮閭睡起烹家釀糟牀蜜酒甜
忽覺嚴威斂陽和景象更空梁仍待燕幽谷莫藏鶯笑
態峯巒現生機草木萌也知春有腳送暝到柴荆
青山青不斷松竹四時春雨潤麥苗活烟滋菜甲勻停
鞭牛欲臥登隴雉都馴彷彿桃源內漁人此問津
白板靈符換村居遠市闌衣冠安儉樸歲月任優閒地
僻雲封徑鄰稀晝掩關夕陽人影亂父老趁墟還

春盤容易具翦韭擷芹芽玉版風乾筍銀針雨水茶親
朋聚簞笠洲渚足魚蝦小有壺觴趣山桃已放花
東作期猶早忘機且灌園鳥喧人喚渡犬吠客敲門境
與紅塵判風真古處敦最宜攤卷坐晴日紙窗溫

無題九疊前韻

如何瓦缶不鳴雷空見旌旗捲地來愁緒頓開眉上鎖
豪情都寄手中杯驪山烽火邊屯亂虎帳笙歌玉漏催
聞道戎行暫休息人人韋曲看花回

寓言四首

海鏡一何巧飢時蟹出腹水母一何靈暗中蝦作目我

用彼所長異體竟聯屬蛰際匪不親鷹鷂鎮相逐同類
互傾軋瘦豺攫虎肉紛紛寄居者安危殊異局焦冥百
千羣蚊睫任栖宿蝸角左右間戰爭起蠻觸

螻蟻制鱣鯨蛆蛆困龍蛇小者反害大蝕月天生螻濡
須處廣宮不知避猛燬顛當穴平地無隙窺網罟么麼
判智愚誰及蜂排衙蜜官日四出早晚靡忒差將相奉
君王環衛如一家

蚯螭辨暑寒蟻蠓知風雨築壩列螳陣迴車奮螳斧異
哉食多蛛噴空絲萬縷底須誇五伎拱立推禮鼠或稱
曰竈馬或號曰蠅虎微物享大名齊曹羞與伍何來梵

字蟲流毒徧所部蝨賊品斯下不儒亦不武

蠹蟲化爲蝶蜨蝦蟇爲蟬至穢倏而潔至醜倏而妍極
陰得火氣耀夜腐轉鮮醜雖以譬道浮沈甕裏天由靜
而之動大地皆蛎蜃似聞鼃語鰲卻覩夔憐蛇齊物不
物物試讀南華篇

詠老十六首

雙江吟社題

老儒

藏修韋布亦尊榮黃卷青燈勸此生漫爲龍鱗忘歲月
直將雞肋視功名聖賢門徑窺應早漢宋源流辨已精
莫問當時朋黨禁千秋史冊有公評

老農

荷篠歸來且負暄
桑榆晚景話蓬門
春風拄杖迎田祖
秋雨開渠護稻孫
一領短簑牛背健
三杯濁酒壺頭溫
兒童力作諄諄課
豐樂難酬大造恩

老漁

浩渺烟波隱士家
釣名猶覺古人差
須知結網持竿叟
不在巖灘渭水涯
潑刺鱗紅穿柳葉
蕭疏頭白對蘆花
太虛明月無終極
博得垂綸願也奢

老樵

果然林下任婆娑
到底榮枯閱歷多
何日卸他肩上擔

幾時拋我手中柯少陵同谷吟逾壯翁子吳山髯未皤
最是終身寄巖壑烟霞深處養天和

老賈

泛海登山不計年干戈叢裏富腰纏貽留或是兒孫福
勤儉都從祖父傳能竭輪將維局面未妨跋涉到華顛
於今更顯光陰好番舶中原廣懋遷

老吏

但圖斷獄豈爲能須念斯民父母稱不酷自然同去暑
無私久矣若行冰濫竽新進人材少戀棧衰齡俗態增
清白始終堅一念薦章早晚廟廊登

老將

角巾歸第忽忽颯爽英姿矍鑠翁湖上驢騎客緩轡
天邊鳥盡要藏弓甘辭兵柄身將隱若話沙場氣尙雄
百戰威名垂宇宙鬚眉想像畫圖中

老卒

猶憶從軍束髮時而今贏得雪千絲紅顏遽悵新婚別
皓首纔逢奏凱期願我龍鍾備廝養看人虎帳擁旌麾
生還閭里驚相問不似當年游俠兒

老女

幽閨怕詠標梅章只合孤星照女牀竟日丹砂長點臂

頻年金縷不開箱馬纓羞擷黃衫蕊蟬髻愁勻玉鏡妝
多事東風偏嫁杏瓊花那及凍青香

老僕

應門五尺到如今垂暮猶懷報主心
賴有蒼頭渾得劍相隨華髮嬾抽簪
朝廷一例需臣僕衰老仍宜竭悃忱
笑煞奴顏兼婢膝阿婆能否託知音

老婢

丁香百結錦玫瑰皆花中婢命薄無緣引蝶媒
嬌態含酸偏

侍菊

菊以秋海棠爲婢

春心爭豔不欺梅

梅以迎春爲婢

武陵狂客應

須避

謂桃花

少府夫人

舊

慣作陪難得綠衣郎

餘

守禮花

間阿醋漫疑猜

老妓

舞衫歌袖劇飄零遮面琵琶不忍聽柳折黃金捐別恨
瓜分碧玉過芳齡心思撩亂風前燕蹤迹浮沈浪裏萍
桃葉桃根真足妬烏啼花落夢初醒

老伶

纏頭菊部少年行幾度繁華已下場棟子風低翻蝶板
梨花雨重澀鶯簧哀絲豪竹都成夢脂粉殘脂欲斷腸
見慣司空偕髮白渭城重唱倍淒涼

老丐

地下輪迴富貴人當前留此孑然身飢寒似得長生訣
施報還添未了因聊任兒童嗤骨相卻教冰雪助精神
流離免入沙蟲劫太息天公本至仁

老僧

禪門衣鉢迴非輕面壁何嘗倦念萌四大皆空觀自在
萬緣俱寂說無生皈依蓮座元功滿入定蒲團舍利明
斬斷六根終解脫西天龍象恍來迎

老尼

掃除色相靜中參八正投心戒律諳要向青園返兜率
永栖淨土禮瞿曇雲埋古徑藤支榻霜冷空山葉打庵

此際迷津應已渡黃花翠竹入筠籃

補詠老三首

老妾

女君敬禮永無違獸化河東獅吼威誰謂承恩專在貌
但能安分卽知機才人海上朝雲伴壽相天邊寶婺輝
教子義方儕荻畫閨門絡秀仰前徽

老巫

驚翻風行自宛邱茅山亦是道家流

韶民遇病率延眺茅山者禱之往往

不藥禳祈比戶輕靈素衣食專門賽祝由赤手舞刀魔

母避黑衣吹角鬼車愁鄉儺古禮何曾廢四目黃金類

此不

老醫

揣摩虛實辨陰陽終歲驅除二豎忙術到十全端不謬
肱經三折始爲良果然臨證無偏執自爾蒙庥易壽康
滿目瘡痍猶未復幾人醫國擅奇方

二十三日東泛滇江有感

波浪餘生續舊游韶山小住已三秋七千里外重移櫂
十二年前此泛舟淺水平灘迷故迹輕雲薄霧釀春愁
劇憐豪氣消磨盡宦海茫茫一葉浮

再補詠老二首

老馬

一鞭萬里踏流沙散轡荒郊齒日加壯歲風雲肥苜蓿
殘年冰雪瘦桃花似聞駿骨登臺市尙有雄心伏櫪嗟
往日青驄仍在否欲思問訊楚天涯
予庚申出都道經
豐州所乘老馬病
不能行留於驛
中因念及之

老牛

休云橫笛挂烏犍喘月驚逢折齒年慣向松毛棚下臥
愁聽桑葉陌頭鞭牽車力竭行殊後舐犢情深叱不前
多感牧童遲扣角斜陽衰草任流連

口占

纔離塵網興悠然又到三楓五渡邊
萬樹松杉暗平圃
一江烟雨擁周田
平圃周田皆地名
春歸嶺嶠濃如畫
夢裏蓬壺望若仙
勞逸於今霄壤判
浪花堆裏上灘船

雨中作歌

山雲蒸雨吹不起忽地漫空白如水
山耶雲耶杳莫辨
山高去天咫尺耳
雨師知農望膏澤
亂潑珍珠碎羅綺
峯頭濃翠訝新沐
瀉入空江添瀾迤
山迴水繞彎復彎
烟波動盪林巒間
就中石壁橫嵌巉
運斧恍倩公輪般
灘聲怒吼動天地
舟子道是挂榜山
昂頭苦憶十年事
秋雨泛棹珠江還
雲根峭絕窮躋攀
高下襯以青螺鬟

二夕甫言金 卷一
誰歟一幅圖荆關今游昔游了無異勝境特闢天胡慳

平圃夜作

醉鄉無路睡鄉遙江渚維舟鎮寂寥一夜濤聲春枕上
三楓亭畔雨瀟瀟

小鳥

小鳥解人意斷續殊可聽雨中不肯住引頸梳翠翎初
疑響佩環戛擊玉東丁旋聞奏笙簧高下聲瓏玲幽如
山中磬圓如塔頂鈴脆如彈冰絃急如倒銀瓶此唱而
彼和繁音聚沙汀鉤輦興綿蠻倏忽耳畔聆披衣啟蓬
窗天外雲冥冥得此破枯悶竊喜來浮萍恨不捨扁舟

結鄰向烟垞

看山

天公喜不平大地半隤兀試問開闢時誰與鑿山骨化
工潛指授神鬼暗矚矚若者平以凹若者仰而凸起伏
互虧蔽高低布齒崒摩空天爲撐巨野地可窅猿狙慄
崆峒蛟龍駭跪跪匱匱靡定象繚雲爭出沒莽野踞雄
傑滄江涵秀發環覽九州內靈狀紛恍惚西北稍曠蕩
東南密排突嵯岬盤互嶺蜿蜒走百粵乾坤何屢巖動
步卽巖窟諸江滙炎海藉之東澨淳不然橫泛溢滔天
浸南越三年住山城筋力遽銷歇開窗鮮列岫出門罕

二知軒詩鈔

卷十

九

挂笏苦被組綬羈伏櫪事飲齟茲行拓眼界捫胸吐蓬
勃看山合賦山管城懼蒙訥終乏濟勝具徒爾目力竭
往者駕扁舟愛睇青一髮嵐光遠益奇變態失林樾如
何咫尺近不向毫端揭沈吟發長嘯誓欲凌雙闕

聽水

世間萬籟萬竅鳴動靜摩盪成其聲至柔者水奚不平
江河湖海長喧轟波濤潮汐非一名飛廉張翼驅鯨鯨
奔騰澎湃神鬼驚不風而雨胡鏗錙梅花國裏天瓢傾
淩江東注春水生有如萬馬馱衝軻霜蹏蹴踏輶以匄
又如大樂奏韶箠鐘鏞鞀鞀兼噌吰鳴球戛石吹竽簞

殷然四動雷硠硠呀然大叫龍駕颺猛然虎吼豹超趙
紛然啼猿雜颺猩始則嗚咽旋縱錚煎湯沸釜焚爐鎗
自晝達夜無且烹繁音急響來合并勢如箭筈纔離棚
河伯鼓勇洶強勅側耳瞻悸心怦怦胸次洗滌塵慮清
此身儼若浮滄瀛解脫劍佩除簪纓虛名羞共蠻觸爭
徜徉雲水篙楫撐白鷺爲侶鷗偕盟十二時內聽澎湃
琬濡鏤管鏘瑤瓊水聲未息歌已成沙岸遠柝敲初更
嗚呼原泉混混何時盈

卽景

潏潏潏江水平添幾尺高雨中忘旦暮嶺上遲旌旄

謂黃

中丞

三宿舟仍泊長吟首重搔近聞持使節

謂劉制軍

又泛海

門濤

四更天已曙

舟中無五更

不見昨宵灘雲漬遠空暗風挖春

信寒燕聲低浦澈翠色淨巖巒忍泛扁舟去山村景耐看

寄雲

舒卷爲霖頃刻間功成底事不歸山停非有意何愁澹
出旣無心轉愛閒得勢依然能變幻黏空遮莫是癡頑
憑誰寄語鴻濛上早駕丹輶傍鳥還

贈燕

烏衣國裏舊王孫飛入蠻荒烟雨村掠水紅襟迷浪影
流音碧樹醒詩魂羨渠已卜新巢定悵我偏無故壘存
對客呢喃如解語也知塵市盡籠樊

大風不寐

二十六日

猛虎何方來大吼山骨裂雄威播炎荒當春乃狂絕浮
沈一葉內燈火半明滅刮耳波濤聲寒氣四圍徹震撼
到胸臆擁衾腸不熱臥聽更鼓亂愁緒向誰說迢迢黑
甜鄉欲去動牽掣風波何地無趨避巧轉拙堅牢方寸
念豈復患蹉跎閉目冥搜句怡然化憂悒倏聽雞聲號
且烹蟹眼啜起看風色定兩岸翠如厭

漫興

風雲兩摩盪天氣半陰晴
靄靄青山色濺濺流水聲
眼前皆妙境身外是浮名
散髮逍遙客修來定幾生

短歌行

君不見太虛物物各有形
雨雲霜露日月星惟風無形
滿六合噓吸寒暑通神靈
榮者使枯壽者夭轉移動盪
機靡停來從何處返何處號
曰噫氣殊不經御風而行
亦夢夢舉世瞑眩無人醒
造化小兒善播弄開闢乾坤
爲鑿空地穴下穿天門
徂乾坤只是醯雞甕

君不見虎豹逞威山林中
鷹犬肆虐城市內不畏虎豹

畏鷹犬遠者易防近難避又不見貪夫一旦握事權左
顧右盼何橫恣借問誰與作爪牙豺狼心性狐狸媚
裘朱門深百重出撞大鼓入鳴鐘金釵鍾乳輦而至走
乞紀綱爲先容嗚呼昔時青衣今繡服田間赤子作魚
肉

昨日淺水二三尺今日洶湧漫沙磧昨夜披綿汗雨下
今夜風寒著狐腋天公翻覆且無定世情冷暖奚足責
銅山金穴俄邱墟時來茅屋變遮廬裸蟲不異禪中蟲
爭名奪利胡爲乎君不見信天之翁樂何如

牡丹富貴花花開不久長蘭蕙產幽谷續紛四野香

蘿弱質巧攀附夫容變色忘旦暮十畝之楮傲松柏輪
囷被野匠不顧嗚呼爲菌莫爲芝靈芝幾人采小草邪
原徧滋蔓大材瓠落終須悔

鳥填海人移山精誠固結忘其艱擴此寸心肩大事榮
辱利害姑勿議駑馬難追騏驥塵燕雀安知鴻鵠志五
更狂犬吠不休天雖一鳴海日浮沙岸蹒跚笑跛鼈空
林偃仰嘲拙鳩

舟中無事讀嶺南三家詩走筆放歌用三江全韻
韶山石闕何崆峒韶水三面鳴琤琮其地在粵爲北江
洩瀆東匯派則雙武溪西下昌樂瀧齊達珠海成巨澤

萬峯匝匝中縱縱往來一日千百艘鯽生四載宦此邦
終日攤卷醒目眈媿乏教化開民瘼竊喜隴畝勤耕耰
連歲大熟禾麥饒頗樂絃誦投矛鏃嶺南茲土猶純厖
梅銷關畔迎旌幟忽駕扁舟浮碧淙天宇密翳雲黢黢
烟凝霧鎖迷崕徑甫行廿里神爲懞昔占滅頂波談躩
聳身似得都盧撞重來頰首那忍睦俄焉急雨灑綠簍
三楓亭下船繫樁河伯張宴懸鼓控怒濤相助聲薛薛
淒切遙和街頭柳春風料峭穿篷窗枕邊明滅看銀釭
村墟冷落稀吠犬無聊呼酒傾玉缸舟子蠻語愁紛咙
此間安有鹿門龐但聽鳬舄足音逢

仁化乳源翁源
三縣令皆至我

才木難健筆扛况復衰醜羞靈媿芬馨何處尋蘭茝一
編幸攜珉與珣魄力雄健疑餐邶虹氣直吐如長杠對
朞明月儕羿逢翁山邊塞驅征驄纖麗不屑吟紅豷鏗
銅大呂黃鐘撞參之變徵驚愚慳陳梁鼎足心尙降後
來俯視皆螻蛄讀罷和以巴人腔空中雲水相舂搥起
看霽色明魚缸

春日書懷 三江全韻

漠漠雲陰裏愁懷鬱滿腔伊人隔洲渚春雨冷篷窗慊
慨情難已昂藏氣不降蒼生逢劫運轉餉困蠻邦豈必
珠盈海曾無鎖斷江毫釐揶市井顆粒納禾雙未撤高

涼戍終憂土客吮流離資墾闢狎侮用戈鋌率爾常尋
釁愚哉孰化蠢幾曾通險阻一任踞崆峒墟冷爭持挺
田荒久罷糴年時動兵革夾道滯旌幢眾訝紛如蟻雄
鷲食以邶因循類滇水潰溢等洪澤勦撫何嘗決痼癰
莫異睦行間歎懸釜局外笑緣幢久矣危機伏誰歟大
力扛中原勞撻伐吾道懼昏黷河洛人如虎秦關馬是
駝氛連吳越暗潮向赭龕撞川蜀猶增壘牂牁未息權
時艱已如此國士敢云雙吐握羣工勵漸摩薄俗厯占
新孚豹變澤普被鴻龐隴畔先除莠崖前欲采芑大勛
酬節鉞小惠斥興扛攀附緣俱絕朦朧見勿眈那因言

侃侃遂覺信恹恹儘有珠懷褐須防石混珣宦途嚴躁
進士品重孤登望果隆韓范材都萃育逢老成看鎮定
豁達解疑懣快覩兵符握齊聞戰鼓聲震雷鳴霹靂濁
霧散崆峒瘴癘無心化陽和有脚躡銜泥安幕燕開戶
靜村巷自可銷烽燧還期振楊桎男皆樂義皞女不慕
娥嬋機影晨穿牖書聲夜和柳流芬盈壁藻扇暖到珊
缸感格爭消雀昭蘇蟄起蛭隱憂除伏莽生意徧枯椿
平圃洲邊艇淩江館外艤逡巡遲盪槩問損且傾缸入
夢尋幽鳴昨夜夢至夢園穿林踏石缸四圍花冪歷萬斛玉琤
琤曲徑藏丹竈高軒俯碧淙竹苞香嫩坼松翠葉交攏

惆恍停游屐模糊對曉缸醒來天黯黯聽去浪淙淙不
覺縈歸思扁舟好挂簷

感事

宦海風波險同舟歎息深可能盟白水除是種黃金遭
際艱屯日偏存得失心蹉跎今已晚悔不早投簪
棋局紛然亂琴絃倏改張會無泛駕馬空有觸藩羊月
讓樓臺得山憐枳棘荒怕貽瀧吏笑踟躕武溪旁

二月三日重泛滇江作

太傅廟前還放櫂一天紅日散氛氲芊棉草色添睂黛
滑笏春流澹縠紋炎海乍騰千尺浪黔山如隔萬重雲

早開甫得龔
叔雨同年書
關心舊雨愁
今雨羨煞江
頭曝背耕

泊灣頭

四山蔥蒨豁吟眸
一水滌洞好繫舟
竹葉稀疏榕葉密
鳥聲清脆水聲柔
枕邊午夢忽驚破
岸上春光誰滯留
野寺晚鐘敲不斷
溟濛烟靄夕陽收

泊獺古塘

四山外環抱一水中
淵渟雨歇風微微
雲暗天冥冥
山松二三尺被嶺排
濃青渾疑鑿池沼
參差羅翠屏
茲景人畫圖
著我身如萍
漁舟何逍遙
鎮日泛烟汀

爬沙謠

五解

昔聞海門爬沙有船今者不然以人代焉一夫卻走揮

之鞭百夫立集毋遷延

解一

峩峩大舸連檣西下盈尺之

水弗能振柁何以振柁驅彼祖裸是汰是淘匪坎匪坳

解二

厥維仲春嗟我小農割麥插禾豈無田功雖有田功

敢不率從我民父母役我乎沙中

解三

既僂我背亦顛我

趾呼聲動天汗下如水遑念赤子勞但博長官喜嗚呼

舟行四日百三十里

解四

嗟我小農百役不畏畏茲爬沙

終朝跋躑跋躑如何猛吏前訶我行猶蟹彼怒若蛙哀

哉此行役傷民實多

解五

院中藤花盛開適予有事登舟不及玩賞迨歸則

落英滿地矣感賦二首

拏舟東郭負花時
滿架繁英羃歷垂
翠幄深藏春作繡
紫綃濃簇雨如絲
未容掃逕鋪歌席
且自淩波泛酒卮
輸與蜜官金翼使
抱香竟日欲歸遲

昨夜江頭繫纜纔
尋芳小院故低徊
五更天上罡風降
一霎階前絳雪堆
猶憶青帘招客過
時聞錦帳暗香來
京師小有餘芳
昔年藤花亦盛遙憐池館荒涼後
紅玉無聲墮綠苔

喜何子貞前輩至韶卽送其之廣州

論交廿餘年一別動三載
芙蓉山下繫扁舟
豪氣直欲吞珠海
相思千里忽相見
驪然命酒澆塊壘
君是東坡

我師狄快觀凌空飛墨彩

君爲子書二知軒額並楹帖

往昔持節來

炎荒瑰奇鐵網珊瑚裝凝碧灣頭繼芳躅詩成巖瀑偕

鏗鏘

吾師文安公於嘉慶丁卯典試粵東道經峽山寺有留題詩卷君於道光己酉亦典試此邦至峽山

續題詩卷洵星軺佳話也

黔山蜀江更迢遞軺車所至流輝光眼如

明月心似水平生寶貴惟青箱我亦歐陽門下士弱冠

曾交四公子羨君接武登瀛洲不才簪筆隨修史是時

寰海正清晏玉堂嘯詠春風裏賞花度曲競開樽踏月

欵門常倒屣東南氛祲鬱未消拋棄組綬懸簞瓢倦游

趵突泉邊路

君曾在山左主講席

歸聽汨羅江上潮爲愛西樵山

色好尋春遠上呼鸞道摩挲霜鬢再經過一編富敵冢

二
分
山
言
金
卷一
一
二
腐草

君有遊
我腐草

天真爛漫誰如君蕭然世外生古芬超越

鍾王摹八分

君日在舟
中課隸

雄談那數驚座陳陵嶒傲骨空

人羣我欲從之湘水濱更乞爲書德有鄰銅官渚畔同
耕耘

再作長歌寄懷子貞前輩

嗚呼作字要追倉頡前後來筆陣何拘牽我用我法得
天趣飛行絕迹書中仙論詩那肯落窠臼自成一家包
眾有今人原可希古人李杜韓蘇皆我友君言乃爾君
非狂六經未必無秕糠大聲疾呼震聾瞶開拓眼界窺
鴻荒酒酣意氣彌激昂於今羣盜仍披猖養癰成患姑

勿論錚錚誰是鐵中剛太息千載唯汾陽丈夫生既不
能衝鋒陷銳靖戎馬奪取金印懸肘下又不能漸摩仁
義挽頽俗蕩節風行八州督舉比坐擁春復秋研田只
爲稻粱謀翩然鼓棹珠江遊誓將東去登羅浮吁嗟乎
君之文章足千古挽底跳龍兼臥虎玉堂清望傳海內
肝膽照人豁城府聽君一夕談勝讀十年書愁雲喝退
不敢上江干惜別還躊躇荔枝灣裏仙人居謂海山
仙館賓
朋雜還爭提壺紅棉花放豔如火白波化作烟雲嘯歸
期預約訪韶石重來爲我鏘瓊琚

上巳後二日諸友人招飲九成臺卽席漫賦二首

紫紆石磴共躋攀繞郭嵐光擁髻鬢檻外春波平武水

座中勝會續香山

賓主凡九人

當年省月雙凭眺

去九成臺不數武舊

有省月臺今已蕪沒明萬厯中廣州司理陳紹功碑記尚存九成臺西廡壁間

此際臨風一解

顏珍重開筵賓作主希蹤欣傍竹林間

六叔父八叔父均在座

摩挲遺碣想髯蘇蓮幕招邀興肯孤綠樹濃遮千堞雉

銀鱗新網四腮鱸

臺上見漁舟舉網呼而買之則鱸魚也

鳳儀舞罷形長

峙城外有燕譽亭

空景不殊

燕譽亭今亦不知其處

遙喜烽烟蘭

渚息

紹興於正月內克復

流觴得似古人無

生日自嘲二首疊前韻

清獻高蹤孰與攀蕭然藜榻屏雲鬢

趙清獻公年四十九即不御內可

容掃徑追彭澤

唐韋表微自言年五十將為松菊主人不愧陶淵明云

卻憶行吟

入蔣山

東坡年四十九有游蔣山詩

臺幕作箴猶在口

昌黎四十八歲作五箴

旌幢如夢乍開顏

劉仁恭夢佛旛于手指飛出至四十九果有旌幢之貴

青蓮亦

自愁難復神往潯陽紫極間

太白潯陽紫極宮感秋詩云四十九年非一往不可

復

待時翁子樂樵蘇

朱翁子自謂年五十當富貴

誰道烟霞伴侶孤東

縛渾疑園客蘭羈栖空羨步兵鱸身離京洛風塵久春

老炎荒氣候殊堪笑年華將半百箇中詩境到來無

九成

臺有詩境碑

馮鐵華太守之澗道經韶州小飲衙齋談詩竟夕

以七律一章見贈兩和原韻奉答兼題山堂話別圖有懷張南山先生

治譜傳家軼等儕竟拋席帽別天街艱難籌海書生膽

君兩督海運

慷慨懸城壯士懷

庚申春寇入杭州君奉

始膺保薦

瑞將軍令夜半縋城而

出至湖州乞援於張

共羨棣棠垂雅望

謂令兄展雲同年

久聞

軍門遂轉危爲安

苜蓿勵清齋

君司鐸博羅時卽致致以造就人才爲念

知君回首頻惆悵學

海茫茫未有涯

松心突兀古人儕買醉歸來月滿街猶記楚庭陪嘯詠

至今穗石愴離懷

辛亥予在廣州南山先生招飲于學海堂並爲評定詩草追庚申重來而

先生已歸

詩吟祖道爭開徑客去空山獨掩齋

謂陳蘭甫學長

道山矣

料得篷窗添畫本柳條無恙聖湖涯

浙東肅清克復杭州卽在指顧間

附原作

馮譽聰

迴翔清禁鳳鸞儕繡斧觀風下六街滇武繞城

長沛澤江湖戀闕肯忘懷

集中多魏闕之思

長孫經濟

籌三熟

公捐廉創辦義倉詔人德之

安定生徒判兩齋

相江書院

月課久停公重爲興復延山長俾多士肄業

杯酒論文叨雅集明朝

走俗又天涯

諸友人和章疊至因於十六日復作九成臺之約

以詩代柬三疊前韻

漫擬芙蓉絕頂攀

欲游芙蓉山不果

軒窗環拱翠千鬟欲訓好

句頻中酒爲惜餘春飽看山

距立夏
僅三日

交到忘形消俗態

語能奪秀破孱顏會須乞取荆關筆著我清泉白石間

萬峯雲際草痕蘇記否當年放櫂孤

辛亥初遊嶺南
於正月至韶

夢

境慣迷莊叟蝶膾材重釣左慈鱸紅稀綠暗光陰過茶
熟香溫韻事殊贏得闍黎開口笑樽前重聽鉢聲無

子聽九弟在皖營經年頃書來知爲郭筠仙觀察

薦之於劉制軍將有直隸之行詩以勗之四疊

前韻

江鄉忽地柳條攀無限離愁鎖黛鬢浩渺揚帆過滬濱
來書有航
海之意
崎嶇策馬向燕山池塘遠繫詩人夢沙漠寒

增壯士顏爲報竹林游興好不須瞻望嶺雲間

凌霄柯幹起扶蘇眞賞何曾郢曲孤半刺爾原能展驥

一官我已不輕鱸

翻用東坡詩意

飄蓬蹤跡虛舟似磨盾勲名

發軔殊收斂才華歸渾樸書生習氣漸消無

十六日重集九成臺賞雨餞春得詩一首

嶺南春老春將去四面巖巒鎖烟霧惆悵東皇返玉京
人間無計留春住留春不住奈春何登臨作餞休蹉跎
前番觴詠補修禊招客載酒重來過我別高臺才十日
碧霄不放烏鵲出奔騰一夜武夷深濃膏下蘸筆峯筆
年年春雨都嫌早那及今年春雨好萬珠穿上綠秧針

農夫竟獲天公寶春光戀戀留水隈春陰黯黯鳴輕雷
繁聲急點浪花起摩空失卻青崔嵬須臾見雲不見山
擁軒隔斷西子鬢更登絕頂試凭眺臺上有樓拖藍潑翠開
愁顏雨中美景看不足豈必賞心在茅屋送春有兩倍
纏綿恨少瑤琴彈一曲炎荒四序皆如春莫爲殘春易
愴神明年此日在何處買醉奚辭把盞頻客欲留春雨
留客低徊煮茗煩襟釋旨雨歸來春已知清我詩魂懸

月魄

夜間雨止月出

謝徐柳臣前輩

思莊贈筆

鼠鬚麟角三百管壯哉直掃千人軍如何插架共灰燼

先生言昔年自製筆與所藏金石字畫同爲祝融收去猶復落紙生煙雲鳩杖不

扶腕彌健蠶牋相貺情獨殷西清珥筆已陳迹塗雅媿

此中書君

何棣珊中允督學江右作詩寄懷用十五咸全韻

皖伯臺前客書來快啟緘

近得子聽弟皖中來書始知君奉命督學江右星

輶逢去雁雲路跨驚颿當代文衡重儒宗矩範嚴曾持

秦隴節

君前歲典試陝甘

又採豫章杉京雒三年別韶山萬壘

嶠交原異恒泛境忽隔仙凡猶記苔岑合爭將學圃芟

君攀仙掖柳我賦上林欒正擬鳴諸鳳胡爲態似獶悲

風橫尺素淚雨灑征衫燕市俄分袂羊城遠挂帆天南

動兵革江左聚妖攙瘡矣無巢鵲雄哉有力屢徑辭鄉

國去屢得故人函

子自己酉奉諱旋里遠遊粵東迨壬子以後皖江不守故里榛蕪幾不作

出山之想而君在都中屢致書促塊壘腹中滿愁峯睂

予北上深情厚意至今不能忘也

太夫人迎

臥病勸栢槭

君自乙卯臥病至戊午始

瘥此四年中予時

相過從交誼尤密將伯情殊厚良朋意自杕久要期淡

泊俗好任酸鹹迢遞湘中擢飛揚嶺外繆蠻烟低壓浪

瘴霧暗堆岳潰溢勞疏決嶽崎費削剗依然功類狗遂

爾狡如鼯地本逋逃藪民誰顧畏暑覆蕉方夢夢劃策

轉詰詰待解青絲轡長攜白木鐙多材輪巧捷善舞讓

纖摻無處祛塵縛何方覓射簾仲春先麥熟早夏卽梅

駮丹荔餐難飽紅杷嚼正饒自從簪盍少但覺鼓音僂
羨爾雙旌擁嗟予兩髯影中興寰宇泰一德廟廊咸穴
鼠全消黠樊蠅盡息讒和我思富弼平寇倚渾瑊豈以
威靈播而忘教化監桂坊才久著斗野命新銜鹿洞鶯
鳴和鸞岡燕語喃奇探雲錦石清到水晶巖比附終憐
蹙相思欲寄蛾螭辭慙藻耀問候過櫻鵲藉甚枌榆社
勛名繼畢誠

贈文式岳方伯同年五疊前韻

嶽麓嵯峨已再攀

君去冬重蒞長沙
今春移旌東粵

碧幢南下度螺鬟

奔瀧直到曲紅水靈氣遠鍾長白山塵市幾人撐傲骨

烽烟何日展愁顏蒼生都望甘霖澤灑向浮邱越秀間
分得廉泉涸轍蘇熊湘傾蓋慰羈孤子庚申過長沙賴君飲助得以成行
驚材敢附空羣馬鄉味頻思巨口鱸漫道形骸千里隔
劇憐蹤迹廿年殊同舟李郭交原篤時同之廣州堪羨胸中
畛域無

舟行雜詠

兩年不鼓珠江櫂今日重登下水船烟雨濛濛如畫裏
芙蓉山色向人妍

一塘纔過一塘迎

十里爲一塘有兵守之

臥聽鳴鉦報水程祇恨

長年作蠻語青山強半不知名

快槩輕舟去若飛
篷窗向曉便披衣
逡巡忽睹龍頭影
已過巉巖彈子磯

湜漾桃溪小滯留
飛仙巖壑夢中游

過滇陽峽時
午睡未醒

動人

詩興鄰舟笛細雨
滇江夏似秋

青青臨水萬琅玕
風葉紛披送薄寒
嗚咽小漳沙畔水
奔騰大廟峽前灘

清遠峽

潯江一何清
峽山一何秀
潞洞瀉澄潭
崕岬撐列岫
二禺播仙迹
中宿啟靈構
斧斤無此力
奇景天造就
東皇助藻繪
被嶺緣如繡
萬松立童童
石骨肥不瘦
金鎖沈

犀牛玉環佩後狄帝子在何許白雲滂巖竇飛來

寺名那

飛去福地巧奔轉往者曾一登蕉衫汗雨透茲行值江
漲凝碧頓非舊猶憶寺中泉噴薄日懸溜坐久生夏寒
空翠落襟袖抗塵而走俗烟霞願難副還期皈禪關歸
舟定停留碑碣重摩挲臨風誦三復虛堂塵白戰上與
古人鬪

清遠郭外縱目

川涂極逶迤峯巒互曉辭我從三峽來到此天地爛烟
波一浩渺塵氛四披豁近睇雲容澄遠眺山態活茲境
實清遠所見皆曠達笑呼管城子吟興不可遏

舟中看雨戲作

白雲蓬蓬淡山色倒垂銀線萬條直須臾滴碎江面波
迴頭不見青陂陀天水相連沓無際綠樹如薺微點綴
蠻天一雨苦不休荷蓑戴笠舟子愁伊鴉直抵胥江岸
林外鷓鴣啼歷亂羨煞從前玉鏡臺當壚勸酌紅螺杯
有感二首六疊前韻

鐵幹虬枝孰許攀笑他弱柳舞風鬢先機預識蟻封穴
大力自矜蚊負山肯爲浮沈移素志羞將塗抹學紅顏
榮枯至竟由天定漫詡花開頃刻間

太息黔黎困未蘇須知堅僻轉睽孤但聞世上蛩憐厯

誰道江邊多異鱸成敗要防當局誤更張遮莫改絃殊
試看鑽盡王戎核得似神仙點石無

裕時卿廉訪由粵赴黔舟至三水相遇式岳招同

作餞得詩四首

髯也

謂時卿

雄豪甚旌旗下夜郎暨教辭五嶺

君奉命貴州查辦

事畢仍

重去度三湘

君宦楚南最久

轉餉功名壯褰帷惠澤長

中流思砥柱翰墨鎮禪房

君題長壽寺楹聯有中流砥柱句

何幸故人至胥江江上舟殷勤詩錄別慷慨酒澆愁猶

記華堂裏傳來鞠部頭笙歌已陳迹無計解離憂

風雨連宵話肫然見性情

謂式岳

得君真二妙泥飲到三

更函谷塵嘶馬滇池浪湧鯨烽烟漲南北何日遂躬耕
不覺晨雞唱分襟此夕閒沿洞武溪水迢遞白雲山宦
海憐飄泊勞生識險艱明朝成獨客打槳荔枝灣予與式居
分道由小金山至
省道經荔枝灣

過海山仙館

名園不到十三年握手重逢信有緣

主人適在園

迤邐風廊

涵墨雨

新築迴廊三百間以嵌石刻

峻嶒雪閣倚晴烟荔枝新纈紅

紗薄荷葉全抽翠葢圓待約東洲老居士

謂貞翁

披襟同

醉晚涼天

子貞前輩賜詩一章獎許太過勉步元韻呈教

小別已四旬春光去如駛半帆亭上客當代古君子橫
絕超輩行獨監筆鋒起浮華外刊落健骨中厲砥慨然
發歌歎真氣鬱滿紙風雲與月露烏可論尺咫詩亦如
其人剛正破譎詭蘇黃此匹敵迢遞接芳軌詞章道日
衰龐雜漫無紀鐘鼎汨天性邱壑忘至美先生遂初服
傲岸振柔靡謂我尙可交風塵獲知己只愁才力薄淵
深不見底傾倒吐肝膈肫摯儼兄弟人從相江來舟向
海山艤及我訪呼鷺紅棉花謝矣僧廬輒過從把杯興
難止案上冰雪文清若池中水幽香生蕙蘭俗豔屏羅
綺豁然與箋開迷途得所指

附原作

三日三易舟瀧行亦何駛一笑泊韶州故人有
方子徒步入道衙酒邊狂論起豈徒快合并意
貴互切砥別來三惠書發函必累紙詩思風雲
馳進道天若咫尺由衷語平樸旁觀詫奇詭惟君
靜者性掉鞅詞壇軌一官作監司千里肅綱紀
方展濟時畧非不榮且美顧其淡蕩懷甚厭習
俗靡古心難入時道戰自策已性情濬愈出文
字清見底吾衰仍頽散兄事荷豈弟羊城本舊
游鶴艇茲重艤新雨幸不乏舊雨益稀矣所居

半帆亭君昔曾棲止不寂亦不喧有竹兼有水

徐家酒未涸

柳臣前輩贈酒

潘園花正綺

謂德翁海山仙館雲

樹泚相思來帆天際指

子箴世仁弟同年三次來書不日可至羊城

相晤詩以遲之癸亥杪春何紹基草於長壽

寺之半帆亭

朱雲門觀察

啟仁

招飲紅棉寺卽景口占三首

泛海乘槎指顧間高涼待唱凱歌還

君將隨崑軍門航海至高州剿賊

且攜十日風塵客來看青葱越秀山

長春館接鄭仙祠想見飛符降鶴時金碧樓臺都黯淡

木棉如雪撲梁恩

畫舫青簾月可邀
柳條攀斷總魂銷
窗中一綫珠江水
流去流來子午潮

將返韶州三至半帆亭有作

珠江小住倏言別
蠟屐無暇登西樵
抗塵走俗二十日
幸遇良友棲僧寮
半帆亭上足幽趣
披襟久坐除煩囂
浮萍得雨鋪綠錦
密樹倚石成翠嶠
高軒明敞繚虛檻
迴廊宛轉通小橋
此中大有濠濮意
趺坐奚必鳴雙橈
道州何子愛結客
新詩滿篋酒滿瓢
淋漓鬼趣佛國現
蕭疎梅影空堂招

貞翁題鬼趣圖並南唐古梅卷
二詩予讀而愛之因索其稿

興酣

放論藐今古境地剏闢詞高超我來索飲輒先醉戀戀
渾忘重城遙海山一過仙子笑越臺風緊紅棉凋劇憐
斗室夢難到花田池館鷺潭湖琳宮有緣竟三至撲誠
相見無斷彫嗟予苦爲名利縛且復歸叩韶山韶雲天
鵬翼任舒卷一枝竊比巢林鷯

珠江夜泊

中流沙忽變桑田羅刹成磯歇管絃悵觸舊游渾似夢
杉皮閣上月娟娟

聞道東征幕府豪華旌旗影裏譜檀槽酒人也用飛符召
笑倚花枝脫寶刀

漠漠江天雨氣昏
水窗韻事不堪論
多情孤負紅雲宴

雲門約明晨遊
荔枝灣未果
明日乘潮到石門

羅兩峯鬼趣圖和貞翁韻爲潘德翁
仕成題

太極無陰陽乾坤孰撐架
截然分二氣幽明難假借
云何有鬼國橫行鬪機詐
廁身冠蓋途猙獰走姪姪
鬼市日以繁鬼雄吁可怕
人與鬼爲鄰智勇兩俱罷
尸居縱之入誰復能補罅
沈淪墮鬼趣千載任笑罵
披圖發深喟白晝儼昏夜
翻思黃泉樂收涕相慰藉
我吟前輩詩垂囊避三舍
鬼膽喝都破椽筆扶造化

四月二十三日作

江水曾無兩日晴
攤書欲睡夢難成
漫天雲重雨將至
逆水風來波不平
杳靄巖巒橫暝色
錚鏦金鐵起雄聲
頻呼三老收帆早
對此茫茫百感生

峽中阻雨

我乘上水船三日過清遠
逡巡將入峽顛風起崖巘青
山化爲雲蛟龍奮蜿蜒
千條挂雪練一氣震雷輶滂沱
夜達旦跋踖嗟偃蹇
破浪空憶憇穿徑虛慕阮猿洞響
蕭蕭犀潭流渾渾
當午呼燭奴頻黎窗四鍵
奚能放溜行竟欲自崖返
雨師興太豪天漏愁不免
歸程已逾半留客偏繼繼
林鳥伴孤寂時復啼宛轉
勞生怨飄泊何

如鑿坏遊

又賦絕句

溼雲如絮嶺頭橫
玉女披衣不放晴
誰與流泉共鳴咽
滿山蟲語帶秋聲

二十六日雨晴乘小舟游峽山寺憇帶玉堂登飛泉亭觀瀑

山靈許我山中游
颺輪驟轉雲幔收
澄潭雨過水怒漲
勝境咫尺空凝眸
忽然興發不可遏
逕駕一葉蜻蛉舟
迴瀾倒漾屢顛簸
詩人膽落童僕愁
幸達彼岸踐福地
琳宮紺宇清且幽
入門逢僧問帶玉
凭闌四顧神夷猶

佛國亦遭烽火劫鳩工聞自前年修

咸豐四年寺爲土寇所踞傾圮過半

十一年

往時方丈歸淨土惜哉字債無能酬

辛亥初秋過此方丈

重修

僧向予索書因循未寄今則僧已圓寂矣

邇來閣黎廣知識甘拋瓶鉢珠江

留

方丈耀明往長壽寺未歸

翠屏插天杜鵑叫秋林向晚鳴鹿呦聞

根今昔頓殊異

昔聽鹿鳴今聞鵑叫皆實景也

萬古長此飛泉流小亭

三度有緣到

庚申仲秋亦曾至亭

勇往敢曰先生休歎斜石磴百

餘級道旁兩字雲臺道危崖噴薄雪花濺古藤蟠紐風

聲颺欲將淙碧

亭一名淙碧軒

比漱玉未知彷彿匡廬不東坡

題名中宿峽蘇齊好古窮探撿壁間碑碣尙完好摩挲

貴比千琳球可憐詩卷反湮沒

文安師詩卷今已不存

補苴或倩

賢東洲吾宗友石頗豪壯

壁有古滇友石方玉潤大書七律一首

龍蛇作

勢窺靈湫還就初地息晉牖奇蹤孤負青山頭

牖脚已罷不能

再至飛來寺

吾衰久乏濟勝具日昨怯登鎮海樓茲山那必

如羅浮已覺景物傳炎州仙乎仙乎渺難覲何時步虛

直上追雙虬

出峽二首

何地無風波履險悔震懼凌晨三老言解纜將利涉晴

旭照千林曉天橫一葉舍大而就小

予早間仍上小艇

盪漾翻

妥貼甫逾峽山寺回頭浪濤淖上流忽叫呼怪事真咄

咄云有覆舟者變故生倉卒耳內聞悲號眼中驚笑兀

斷槎浮水面見之彌悚警吾舟慎勿行如馬且銜橛憫
彼逐錐刀輕試龍蛇窟

停舟舟子怨順風泊胡爲乘我入睡鄉捩舵江之湄我
睡未及穩我舟殊可危兩山中貫流崕岬邊奔馳倒激
成洄湍無風亦漣漪暴雨漲怒添剽悍尤難支區區一
繩力眾手千鈞持心旌屢動搖閉目姑聽之大聲若沸
鼎藐躬猶舉棋餘生免波浪十三年於茲戰兢矢忠信
或者化坦夷須臾童走告舟已過蛟磯

峽東最險處土
人名曰蛟磯

起看水溶溶出峽神爲怡轉戀二禺山秀絕青黛眉

英德野望

兩度經行地

庚申八月自省返韶亦由英德登陸

青山似故人斧從天匠

劈法帶畫家皴饒有空靈境中涵太古春雨膏滋秀色

漸亦化嶙峋

